

Na osnovu člana 89. Ugovora o uspostavi Energetske zajednice ("Službeni glasnik BiH – Međunarodni ugovori" broj 09/06) i čl. 1. i 4. Zakona o prijenosu, regulatoru i operatoru sistema električne energije u Bosni i Hercegovini ("Službeni glasnik BiH", br. 7/02, 13/03, 76/09 i 1/11), na sjednici Državne regulatorne komisije za električnu energiju održanoj 12. juna 2018. godine, donijeta je

ODLUKA

O TRANSPONIRANJU PRAVILA ZA RAD MREŽA U VEZI PRIKLJUČIVANJA

I

Ovom odlukom se definišu načini i rokovi transponiranja uredbi Evropske komisije prilagođenih pravnom okviru Energetske zajednice kroz odluke Stalne grupe na visokom nivou od 12. januara 2018. godine, u sektoru električne energije u Bosni i Hercegovini, kako slijedi:

- Odluka br. 2018/03/PHLG-EnC o inkorporiranju Uredbe Komisije (EU) 2016/631 od 14. aprila 2016 o uspostavljanju mrežnih pravila za zahtjeve za priključivanje proizvođača električne energije na mrežu,
- Odluka br. 2018/04/PHLG-EnC o inkorporiranju Uredbe Komisije (EU) 2016/1447 od 26. augusta 2016 o uspostavljanju mrežnih pravila za zahtjeve za priključivanje na mrežu sistema za prijenos istosmjernom strujom visokog napona i istosmjerno priključenih modula elektroenergetskog parka,
- Odluka br. 2018/05/PHLG-EnC o inkorporiranju Uredbe Komisije (EU) 2016/1388 od 17. augusta 2016 o uspostavljanju mrežnih pravila za priključak kupca.

II

Uredbe prilagođene pravnom okviru Energetske zajednice u skladu sa odlukama iz tačke I bit će objavljene na jezicima u službenoj upotrebi u Bosni i Hercegovini u okviru internet prezentacije Državne regulatorne komisije za električnu energiju (u daljem tekstu DERK) na adresi www.derk.ba.

III

Zadužuje se Nezavisni operator sistema u Bosni i Hercegovini (u daljem tekstu NOS BiH) da bez odlaganja DERK-u na odobrenje dostavi Mrežni kodeks, te da istovremeno pristupi inoviranju i svojih ostalih akata kojima će biti uvažene obaveze definirane odredbama iz:

- Članova 4(2)(a)(b), 7(4), 58, 59, 61(1), 68(1) i 69(1) prilagođene Uredbe Komisije (EU) 2016/631,
- Članova 4(2)(a)(b), 5(4), 75, 76 i 78(1) prilagođene Uredbe Komisije (EU) 2016/1447, i
- Članova 4(2)(a)(b), 6(4), 51(1), 56 i 57 prilagođene Uredbe Komisije (EU) 2016/1388.

IV

Zadužuje se NOS BiH da, u roku od četiri mjeseca od dana donošenja ove odluke, DERK-u na odobrenje dostavi Mrežni kodeks i druga relevantna pravila usklađena sa ostalim zahtjevima sadržanim u uredbama iz tačke II ove odluke.

V

Paralelno sa aktivnostima NOS-a BiH iz tačaka III i IV ove Odluke, DERK će provoditi aktivnosti na inoviranju Pravilnika o priključku (“Službeni glasnik BiH”, br. 95/08, 79/10, 60/12 i 83/17), te ostalih relevantnih akata, u skladu sa propisanim procedurama.

VI

Pozivaju se Regulatorna komisija za energiju u Federaciji Bosne i Hercegovine, Regulatorna komisija za energetiku Republike Srpske i druga nadležna tijela da osiguraju usklađenost svojih relevantnih akata sa zahtjevima sadržanim u uredbama iz tačke II ove odluke.

VII

Krajnji rok za primjenu akata iz tačaka III, IV i V ove Odluke ističe 12. juna 2021. godine.

VIII

Ova odluka stupa na snagu danom donošenja i objavljuje se u “Službenom glasniku BiH”, službenim glasilima entiteta i Brčko Distrikta Bosne i Hercegovine.

Broj: 05-14-1-97-3/18
12. juni 2018. godine
Tuzla

Predsjedavajući Komisije
Nikola Pejić